



Broj: 14-14-3-16771-3-7/17
Zenica, 28.05.2018.godine

Na osnovu člana 8. i člana 70. stava 1., 2. i 3. Zakona o javnim nabavkama („Službeni glasnik BiH“, broj 39/14) i Pravilnika o postupku dodjele ugovora o uslugama iz Aneksa II. dio B („Službeni glasnik BiH“, broj 66/16), predsjedavajući Skupštine Zeničko-dobojskog kantona, d o n o s i

**ODLUKU
o izboru najpovoljnijeg ponuđača**

1. Nakon provedenog postupka za dodjelu ugovora po posebnom režimu za usluge iz Aneksa II. Dio B Zakona o javnim nabavkama, Ugovor o pružanju usluga reemitovanja reportaža sa sjednica Skupštine Zeničko-dobojskog kantona na lokalnim TV stanicama za područje Grada Zenica i Općina Kakanj, (u daljem tekstu: Ugovor) dodjeljuje se ponuđačima JP RTV „Zenica“ doo Zenica i „NTV- IC“ Kakanj doo Kakanj.
2. Ugovorni organ će zaključiti sa svakim ponuđačem ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim Pozivom za dostavu ponuda i zakonskim propisima koji regulišu postupak ugovaranja.
3. Nakon pravosnažnosti ove Odluke, izabranim ponuđačima iz tačke 1. ove Odluke dostavit će se prijedlog ugovora o nabavci.
4. Ova Odluka objaviće se na službenoj stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
5. Za realizaciju ove Odluke zadužuje se Skupština Zeničko-dobojskog kantona.

Obrazloženje

Odlukom o pokretanju postupka javne nabavke broj: 01-14-17771-2-1/17 od 26.03.2018.godine i Sporazuma broj: 14-14-16771-3-1/17 od 22.03.2018.godine i broj: 01-14-16771-3-1/17 od 26.03.2018.godine, pokrenut je postupak za dodjelu ugovora po posebnom režimu za usluge iz Aneksa II. dio B Zakona o javnim nabavkama za pružanje usluga reemitovanja reportaža sa sjednica na lokalnim TV stanicama. Javna nabavka je provedena u skladu sa Pravilnikom o postupku dodjele ugovora o uslugama iz Aneksa II. dio B.

Procjenjena vrijednost nabavke na godišnjem nivou iznosi 53.400,00 KM bez PDV-a.

Poziv za dostavljanje ponuda je upućen ponuđačima 30.03.2018.godine i isti dan objavljen na službenoj stranici www.zdk.ba.

Do krajnjeg roka za dostavljanje ponuda, 13.04.2018.godine, pristigle su ponude ponuđača: JP RTV „Zenica“ doo Zenica i „NTV- IC“ Kakanj doo Kakanj.

Komisija za javnu nabavku sačinila je Zapisnik sa preporukom o izboru najpovoljnijeg ponuđača za predmetnu nabavku broj: 14-14-3-16771-3-5/17 od 13.04.2018.godine koji je dostavila Kolegiju Skupštine i Stručnoj službi Skupštine. U skladu sa aktom broj: 01-01-6609-3/18 od 24.04.2018.godine i aktom broj: 14-14-3-16771-3-6/17 od 26.04.2018.godine, zatražena je korekcija cijena od strane JP RTV „Zenica“ doo Zenica i „NTV- IC“ Kakanj doo Kakanj u skladu sa mogućnostima.

30.04.2018.godine dostavljene su korigovane ponude i to: JP RTV „Zenica“ doo Zenica je umanjilo cijenu za 30% tako da konačna cijena iznosi 1.610,00 KM/satu bez PDV-a i „NTV- IC“ Kakanj doo Kakanj je umanjilo cijenu za 20% tako da konačna cijena iznosi 1.200,00 KM/satu bez PDV-a.

Ponude ispunjavaju zahtjeve ugovornog organa u formalno pravnom, ekonomskom i tehničkom smislu, tj. ponude su prihvatljive za ugovorni organ.

U postupku donošenja ove Odluke, Ugovorni organ može izabrati više ponuđača za predmetnu uslugu, iz iste kategorije, u skladu sa članom 4. stav (3) Pravilnika o postupku dodjele ugovora o uslugama iz Aneksa II. dio B. Zakona o javnim nabavkama i ugovor se zaključuje sa ponuđačima koji ispunjavaju kvalifikacione uslove.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, Pravilnikom o postupku dodjele ugovora o uslugama iz Aneksa II. dio B i predmetnom tenderskom dokumentacijom.

Slijedom navedenog, ponuđači JP RTV „Zenica“ doo Zenica i „NTV- IC“ Kakanj doo Kakanj, su odabrani za najpovoljnije ponuđače sa kojima će se zaključiti ugovor.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 1 x učesnici tendera

1 x tenderska dokumentacija

1 x Služba za zajedničke poslove

1 x a/a

**Skupština
Zeničko-dobojskog kantona**

Jasmin Duvnjak
*Predsjedavajući Skupštine
Zeničko-dobojskog kantona*

